



Број:
Sarajevo, 23. 01. 2020.

Bosna i Hercegovina

Parlamentarna skupština BiH

Predstavnički dom

n/r Denis Zvizdić, Predsjedavajući

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO. 23. 01. 2020			
Organizaciona jedinica	Klasifikaciona oznaka	Redni broj	Broj priloga
01-50-1		215	20

Zastupnička inicijativa

Poštovani,

U ime Kluba zastupnika Demokratske fronte, upućujem inicijativu da

Predstavnički dom Parlamentarne skupštine Bosne i Hercegovine izabere svoje predstavnike u delegaciju Parlamentarne skupštine BiH u Parlamentarnom odboru za stabilizaciju i pridruživanje sa Evropskom unijom

Образложење:

Parlamentarni odbor za stabilizaciju i pridruživanje formiraju dvije delegacije i to: delegacija parlamenta države čiji je Sporazum o stabilizaciji i pridruživanju sa EU stupio na snagu i delegacija Evropskog parlamenta. Sve države u našoj regiji su uspostavile ovo tijelo koje, u pravilu, zasjeda dva puta godišnje. U slučaju Parlamentarne skupštine BiH ranije je donesena odluka da su članovi naše delegacije zapravo članovi Zajedničke komisije za evropske integracije, što je, ispostaviće se kasnije, i razlog neuspostavljanja ovog tijela u slučaju države Bosne i Hercegovine. Parlamentarni odbor za stabilizaciju i pridruživanje Evropske unije i države Bosne i Hercegovine je jedini takav odbor u regionu, koji još uvijek nije uspostavljen.


Razlog neuspostavljanja ovog parlamentarnog odbora u slučaju države Bosne i Hercegovine je, između ostalog, i nepristajanje članova delegacije Evropskog parlamenta da budući Poslovník eventualno sadrži elemente etničkog ili entitetskog glasanja.

Isto tako, dio članova delegacije iz Parlamentarne skupštine BiH svoje učešće u našem Odboru su poistovjećivali sa nekom vrstom ekstenzije njihovog članstva u Zajedničkoj komisiji za evropske integracije. Ovaj parlamentarni Odbor, koji je naša obaveza iz Sporazuma o stabilizaciji i pridruživanju sa EU ne znači neku vrstu produženog članstva koji proističe iz zajedničke Komisije za evropske integracije. Na kraju, neophodno je uvažiti okolnost da i Evropska komisija snažno potencira ovo pitanje, jer je formiranje Parlamentarnog odbora za stabilizaciju i pridruživanje uvršteno i kao jedan od 14 prioriteta, u Mišljenju Evropske komisije o Zahtjevu Bosne i Hercegovine za članstvo u EU.

Dostavljeno:

- Naslovu

- a/a



KLUB ZASTUPNIKA
Predsjedavajući

Dženan Đonlagić